

證治準繩 全十一

玖函

脾臟部下

疢

肝疢

心疢

脾疢

肺疢

腎疢

通治

腦疢
冷熱疢

血毒疢

五疢出虫

蛔疢

脊疢

漢書門	
一	二
九	七
〇	八
冊	架
函	號
類	

內閣文庫	
三	二
函	〇
架	冊
號	類

內閣文庫	
番號	漢 12971
冊數	100 (82)
函號	301 60



外科證治準繩集之八

金壇王肯堂宇泰甫輯

脾二

脾

疳

疳

疳

內經曰數食肥令人內熱數食甘令人中滿蓋其病
因肥甘所致故命名曰疳若夫襁褓中之乳子與四
五歲之孩提乳哺未息胃氣未全而穀氣尚未充也
父母不能調將惟務姑息舐犢之愛遂令恣食肥甘
與夫瓜果生冷及一切烹飪調和之味朝飧暮噉漸
成積滯膠固以致身熱體瘦面色痿黃或壯大青筋

疳

疳

蟲痛瀉利而諸疳之證作矣。錢諸疳皆脾胃之病。內亡津液之所作也。因大病或吐瀉後醫又以藥吐下致脾胃虛弱亡失津液且小兒病疳皆愚醫之所壞病假如潮熱是一臟虛一臟實而內發虛熱也法當補母而瀉本臟則愈假令日中發潮熱是心虛熱也肝為心母法宜先補肝母肝實而後瀉心心得母氣則內平而潮熱自愈醫見潮熱妄謂其實乃以大黃牙硝輩諸冷藥利之利既多而不能禁則津液內亡漸成疳也又如癖病發作寒熱飲水脇下有形硬痛法當用藥漸消磨之醫反以巴豆礪砂輩駛藥下

之小兒易虛易實下之既過胃中津液耗損漸成疳瘦又有病傷寒五六日間有下證以冷藥下之太過致脾胃虛而津液少即便引飲不止而生熱也熱氣內耗肌肉外消他邪相干證變諸端亦成疳病又有吐瀉久病或醫妄下之其虛益甚津液煩躁亦能成疳也小兒病癖由乳食不消伏在腹中乍涼乍熱飲水不止或喘而嗽與潮熱相類若不早治必成勞瘵以其有癖癥則令兒不食致脾胃虛而發熱故引飲也飲多即蕩滌脾胃亡失津液不能傳化水穀其脈沉細益不能飲食致脾胃虛衰四肢不舉諸邪遂

生羸瘦而成疳矣。楊兒童二十歲以下其病為疳，二十歲以上其病為癆。疳與癆皆氣血虛憊，腸胃受傷致之。同出而異名也。何者？小兒臟腑嬌嫩，飽則易傷，乳哺飲食一或失常，不為疳者鮮矣。疳皆乳食不調，甘肥無節而作也。或嬰幼闕乳，粥飯太早，耗傷形氣，則疳之根生。或三兩碎後，乳食稍多，過飽無度，則疳以傷得。或恣食甘肥粘膩，生冷鹹醋，以滯中脘，則疳因積成。或乳母寒暄失理，飲食失常，喜怒房勞，即與兒乳則疳因母患傳氣而入。此非病家不能調適之過乎？疳皆脾胃受病，內無津液而作也。有因吐瀉之後妄施吐下，津液虛竭得之者；有因潮熱大下利，無禁約胃中焦燥得之者；有因傷寒裏證冷厥太過，渴引水漿變而生熱，熱氣未散復於他邪得之者；又有病瘵寒熱脇下痛硬，或者不能漸與消磨，遽以剛巴峻決，津液暴傷得之者。此非醫家輕藥壞病之過乎？疳之為候，頭皮光急，毛髮焦稀，頰縮鼻乾，口嚙唇白，兩眼昏爛，揉鼻擤眉，脊聳體黃，齩牙咬甲，焦渴自汗，尿白瀉酸，肚脹腸鳴，癖結潮熱，嗜瓜果鹹酸炭米泥土而欲飲水者，皆其候也。

疳疔亦名風疳，亦名筋疳。

錢肝疳，白膜遮睛，筋疳。

證候

疳疔

筋疳

三

瀉血而瘦不 湯肝疳眼白青眼睛澀癢不 聖惠

揉目流汗徧身合面而卧面色青黃髮竦頭焦筋青

腦熱渾身瘡癬腹中積聚下痢頻多久而不痊轉甚

羸瘦不 曾氏曰生眵糞髮際左臉多青或白睛微黃

瀉利夾冰或如苔色

心疳亦名驚疳 錢氏面黃頰赤身壯熱不 湯氏口

内生瘡不 聖惠渾身壯熱吐利無常頰赤面黃胸膈

煩滿鼻乾心躁白舌生瘡痢久不痊多下膿血有痔

盜汗或乃虛驚 楊氏小便赤澀五心皆熱不 曾氏

酸牙舒舌愛飲冷水喜伏眠於地

脾疳亦名食疳 錢氏面黃腹大食泥土 湯氏脾

疳食不消胃疳多吐 聖惠腹多筋脉喘促氣羸乳

食不多心腹脹滿多啼欬逆面色痿黃骨立毛焦形

枯力劣胸膈壅悶水穀不消口鼻常乾情意不悅愛

暗憎明腸胃不和利多酸臭 曾氏愛食冷物引飲

無度身面俱黃髮稀作穗頭大項小腹脹脚弱間或

酸瀉肌瘦目慢晝涼夜熱不思乳食 錢氏又云肥

瘠卽脾疳也身瘦虛黃乾而有瘡其候不一種種異

端今略舉之目澀或生白膜唇赤身乾黃或黑喜卧

冷地或食泥土身有瘡疥瀉青白黃沫水痢色變易

腹滿身耳鼻皆有瘡髮鬚作穗頭大項細極瘦飲水皆其證也 按此言脾疳證候多與餘疳相濫蓋疳為脾經本病固應兼之

肺疳亦名氣疳 錢氏氣喘口鼻生瘡 聖惠咳嗽氣逆皮毛乾焦饒涕多啼咽喉不利揉鼻齧甲壯熱憎寒唇邊赤瘰腹內氣脹乳食漸稀大腸不調頻頻泄利糞中米出皮上粟生 曾氏鼻下赤爛手足枯細口有脾氣右腮皓白

腎疳亦名急疳亦名骨疳 錢氏腎疳極瘦身有瘡疥骨疳喜臥冷地 湯氏齒爪黑 聖惠肌骨消瘦

齒齒生瘡寒熱作時口鼻乾燥腦熱如火脚冷如水吐逆既增乳食減少瀉利頻併下部開張肛門不收疳瘡瘰癧 曾氏兩耳內外生瘡脚如鶴膝頭縫不令或未能行牙齒生遲其縫臭爛傳作走馬疳之類揚五臟疳傷大抵然爾析而論之曰五疳出蟲曰蛔疳曰脊疳曰腦疳曰乾疳曰疳渴曰疳瀉曰疳痢曰疳腫脹曰疳勞曰無辜疳曰丁奚曰哺露證狀非一可不舉宏撮要而條析之乎五疳出蟲者疳傷之源雖起於乳舖不調然臟腑停積已久莫不化而為蟲其蟲或如絲髮或如馬尾多出於頭項腹背之間黃

白或赤者可醫青黑則難療也蛔疳者失乳飯早食
肉太早或腸胃停蓄甜膩化為蛔蟲皺眉多啼嘔吐
清沫腹中乍痛肚脹青筋唇口紫黑腸頭齒癢是也
蛔雖食蟲蟲不可動從口鼻出者難治脊疳者蟲蝕脊脊身熱羸黃積
中生熱煩溫下痢拍背如鼓鳴脊骨如鋸齒或十指
皆瘡頻齧爪甲是也腦疳者胎中素挾風熱生下乳
哺越常頭皮光急滿頭餅瘡腦熱如火髮結如穗遍
身多汗顛腫頤高是也臨產多然易損兒眼乾疳者瘦悴少
血舌乾多啼其病在心目不轉睛乾啼少淚其病在
肝身熱尿乾手足清冷其病在腎聲焦皮燥大便乾

結其病在肺搭口癡眠胃脘乾渴其病在脾總為五
乾疳是也疳渴者臟中夙有疳氣加之乳母恣食五
辛酒麪炙煖使小兒心肺壅熱日則煩渴引水乳食
不進夜則渴止是爾疳渴者毛乾唇白額上青紋肚
脹腸鳴泄下糟粕是爾勿用熱藥止疳痢者挾受風寒暑
濕或冷熱不調或停積宿滯水穀不聚頻下惡物是
爾疳腫脹者虛中有積其毒與氣交并故令腹肚緊
脹由是脾復受濕故令頭面脚手虛浮是爾法當磨積調氣
疳勞者潮熱往來五心煩熱手足心及胸前熱而發
瘧盜汗骨蒸嗽喘枯悴是爾或渴而復瀉飲水惡食

肚硬如石面色如銀斷不可活無辜疳者腦後項邊
有核如彈按之轉動軟而不疼其間有蟲如米粉不
速破之則蟲隨熱氣流散淫蝕臟腑以致肢體癩瘡
便利膿血壯熱羸瘦頭露骨高是爾鍼刺破或澣濯
兒衣露於簷下為雌鳥落羽所汚兒着此衣蟲入皮
毛亦致無辜之疾兒衣已曬須微火烘之其若手足
極細項小骨高尻削體痿腹大臍突號哭胸陷或生
穀癥是為丁奚虛熱來往頭骨分開翻食吐蟲煩渴
嘔噦是為哺露丁奚哺露皆因脾胃久虛不能化水
穀以榮血氣故肌肉消鑠腎氣不足復為風冷所傷

使葉骨枯露亦有胎中受毒臟腑少血致之此皆無
辜種類之疾病而至此不幾殆哉又有小兒久患腎
疳內虛不食甚者天柱骨倒治法當用錢氏地黃丸
加驅疳等劑仍與貼項強筋若不識證謂之五軟非
也天柱骨倒凡有三種有吐瀉日久羸弱成者有肝
膽伏熱面赤唇紅忽變此者有傷寒不及發表成者
是皆風邪入肝以致筋絡舒弛吐瀉者當調胃氣肝
熱者隨輕重以涼肝並與強筋貼項惟傷寒天柱骨
倒者難療故併及之

莊氏家傳小兒二十四候 第一候瀉膿血日漸瘦

是冷熱疳 第二候脚細肚高胸前骨生愛喫泥土
酸鹹日久通身黃時時吐逆下痢腹內疼痛是脾疳
第三候鼻下赤爛愛揉眼兼血痢是肺疳乃因喫
着承熱物或病妳所損心肺加之欬嗽更以服涼冷
藥過多便上熱下冷漸漸昏沉日夜煩哭 第四候
皮虛皺面無顏色身上燥癢心煩 第五候毛髮稀
疎鼻生瘡是肺疳 第六候頭生瘡毛髮稀焦是肝
疳 第七候牙變黃赤不定是腎疳 第八候頭髮
焦乾鼻下瘡生是肺疳 第九候咬指甲毛髮作穗
四肢沉重是心疳 第十候肚上筋生齒蟲蝕是骨

槽疳 第十一候吐逆腹脹是胃疳又名妳疳 第
十二候齒斷臭爛面無顏色心不思食是脾疳又名
口疳 第十三候愛合面臥多睡如醉腹脹氣急蓋
是因曾喫生肉如此腹內有蟲是心脾疳 第十四
候鼻內乾痛口中臭氣齒根有鮮血是肝肺疳 第
十五候脚細肚高并肚上有青脉是脾疳 第十六
候非時生瘡愛喫冷水是熱疳 第十七候皮膚上
生粟子糞中米出是脾冷疳 第十八候氣滿腹脹
及口乾是心胃疳 第十九候愛餐生米麩炭甑瓦
是脾胃疳 第二十候揉鼻揩眼及咬指甲愛飲水

音語候

切耳八

五疳
可治

是肝渴疳 第二十一候多寒熱愛卧不起是骨熱
疳 第二十二候愛飲水眼目不開是肝疳 第二
十三候肌體或熱或涼發渴無時是急疳 第二十
四候齒斷黑唇懶開則赤是心疳積熱
聖惠凡小兒疳在內眼澀腹脹痢色無常或如泔淀
日漸羸瘦此候可療若鼻下赤爛自揉鼻頭上有瘡
生痂痛癢漸漸流引透於兩耳時時目赤頭髮稀疏
腦皮光緊頭大項細肌體羸瘦亦可治也若唇口被
蝕齒斷作五色或盡峭黑舌下有白瘡上嚙有瘡子
口中時有臭氣齒斷漸染欲爛亦可治也若下部開

五疳
不可

張有時赤爛癢不可忍下痢無常亦可治也若疳蝕
脊脊十指皆癢自咬指甲頭髮作穗脊骨如鋸有時
腹脹有時下痢若急治之無不差也
聖惠凡小兒肝藏疳若目睛帶青脉左脇下硬多吐
涎沫眼角左右有黑氣所衝不可治也心藏疳若愛
驚啼常好飲水便食辛味耳邊有脉舌上有黑曆者
不可治也脾藏疳若壯大唇無血色人中平滿下痢
無度水穀不消好喫泥土皮枯骨露不可治也肺藏
疳若欬逆氣促多瀉白沫身上有斑生如粟米大色
若黑者不可治也腎藏疳若愛食酸鹹飲水無度小

疳治法

疳治法

疳治法

便如乳牙齒青黑其腦乾燥肩竦骨枯不可治也又
五疳有五絕候一視着脚中指底不覺疼二抱着手
足垂臍無旁三病未退遍身不煖四藏府瀉青涎及
沫不止五項筋舒展無力如此之候皆不可治也凡
醫用藥切在審詳也

治法

潔疳者小兒病癯或久吐瀉醫者妄投轉過之藥小
兒易爲虛實致令胃虛而亡津液內發虛熱外消肌
肉一臟虛則諸臟皆弱其病日胞腫腹脹痢色無常
漸加瘦瘠久不痊可是腸胃有風積法當宣風散
熱導之後各依本臟補其母

錢諸疳皆依本臟補其母及與治疳藥冷則木香丸
熱則胡黃連丸主之疳在內目腫腹脹利色無常或
沫青白漸瘦弱此冷證也史君子丸主之疳在外鼻
下臭爛自揉鼻頭上有瘡不着痂漸透耳生瘡治鼻
瘡爛蘭香散諸瘡白粉散主之 肝疳當補肝地黃
丸主之 心疳當補心安神丸主之 脾疳當補脾
益黃散主之 腎疳當補腎地黃丸主之 筋疳當
補肝地黃丸主之 肺疳當補脾肺益黃散主之
骨疳當補腎地黃丸主之 大抵疳病當辨冷熱肥
瘦其初病者爲肥熱疳久病者爲瘦冷疳冷者木香

丸熱者胡黃連丸冷熱之疳尤宜如聖丸疳故小兒
之藏府柔弱不可痛擊大下必亡津液而成疳凡有
可下量大小虛實而下之則不至為疳也初病津液
少者當生胃中津液白朮散主之惟多則妙腸熱
者涼之冷者溫之冷熱者溫涼之此其要也熱疳病
多在外鼻下赤爛頭瘡濕癢五心煩熱掀衣氣饑渴
引冷水煩躁卧地壯熱脚冷潮熱往來皆熱疳也冷
疳病多在內利色無常其沫青白肢體軟弱日腫面
顴又一證躁渴卧地似有熱狀惟飲食不進滑泄無
色亦冷疳也其在瀉多膿血日加瘦弱此則謂之冷

熱疳大抵疳之受病皆虛使然熱者虛中之熱冷者
虛中之冷治熱不可妄表過涼治冷不可峻溫驟補
故錢氏又曰小兒易為虛實脾虛不受寒溫服寒則
生冷服溫則生熱當審此而勿誤是果非幼幼之綱
領乎上醫處此消積和胃滋血調氣隨順藥餌以扶
之淡薄飲食以養之榮衛調和臟腑自然充實一或
過焉君子未保其往也取積之法又當權衡積者疳
之母由積而虛謂之疳極諸有積者無不肚熱脚冷
須酌量虛實而取之若積而虛甚則先與扶胃使胃
氣內充然後為之微利若積狀乎虛則先與利導纔

得一泄急以和胃之劑為之扶虛然取積雖當疎利
如白豆蔻薤白子縮砂蓬朮消積等輩亦不可無脇
間癖痛亦虛中之積也先寒後熱飲水不食或因飲
水以致喘嗽錢氏有癖為潮熱之說治法解散寒熱
即與下癖合是而觀發作不同療治不一又可無權
度於此哉 **曾**大抵疳之為病皆因過餐飲食於脾
家一臟有積不治傳之餘臟而成五疳之疾若脾家
病去則餘臟皆安苟失其治日久必有傳變然脾家
病宜蘆薈丸沉香檳榔丸 積或水晶丹 積烏犀丸 積
更察虛實療之有蟲者投史君子丸 腹痛化蟲飲 腹

痛如心腹痛吐清水蟲自下多投二聖丸 腹痛諸疳
證皆宜用局方五疳保童丸或萬應丸常服化積治
疳仍各投本臟調理之劑寧心用茯神湯 驚悸調肝
用者歸湯調脾用參苓白朮散 不化補肺用補肺散
咳嗽補腎用調元散 各得其宜則前證不致再作
演山積是疳之母所以有積不治乃成疳候又有
治積不下其積存而臟虛成疳尤重大抵小兒所患
疳證泄瀉無時不作風候者何惟疳瀉名熱瀉其臟
腑轉動有限所以不成風候雖瀉不風亦轉他證作
渴虛熱煩躁下痢腫滿喘急皆疳候虛證古云疳虛

百治法

刀年

十二

用補虛是知疳之為疾不可更利動臟腑發作之初
名曰疳氣腹大脹急名曰疳虛瀉痢頻併名曰疳積
五心虛煩名曰疳熱毛焦髮穗肚大青筋好喫異物
名曰疳極受病傳已極熱發往來形體枯槁面無神采無
血色名曰疳勞手足細小項長骨露尻髻無肉肚脹
臍突名曰疳食加嘔噦頭骨分開作渴引飲蟲從
口出名曰疳露此皆疳候又因多食生冷甘粘肥膩
積滯中脘不化久亦成疳治疳之法量候輕重理其
臟腑和其中脘順其三焦使胃氣溫而納食益脾元
氣以消化則臟腑自然調貼冷氣脈與血脈相參壯

筋力與骨力俱健神清氣爽疳消蟲化漸次安愈若
以藥攻之五臟疎却腸胃下去積毒取出蟲子雖曰
醫療即非治法蓋小兒臟腑虛則生蟲虛則積滯虛
則疳羸虛則脹滿何更利下若更轉動腸胃致虛由
虛成疳疳虛證候乃作無辜無辜之孩難救矣薛
疳者乾也因脾胃津液乾涸而患在小兒為五疳在
大人為五勞總以調補胃氣為主
後列諸方其證候龐雜不能名為何等疳者即於通
治諸疳方內檢之若證候的與五疳等條下證候對
者即檢本疳方分寒熱虛實擇而用之常須識此勿
在疳

疳疳

四十八

十三

令誤也

肝疳楊氏云肝疳者由乳食不調肝藏受熱所致也
若乳母寒温不調滋味不節或外感風寒內傷喜怒
邪氣未散遽以乳兒多成風疳肝者眼之候上膈伏
熱痰涎壅滯以致肝風入眼赤腫翳生眵淚爛眶痛
癢揉擦昏暗雀盲甚至經月合眼亦名疳眼外證搖
頭揉目白膜遮睛眼青淚多頭焦髮堅筋青腦熱甲
瘻筋攣燥渴汗多下痢瘡癬是也 錢氏以地黄丸
主之 楊氏以天麻丸生熟地黃湯主之 曾氏
調肝用耆歸湯

天麻丸 治肝疳風疳疳眼

青黛

川黃連

天麻

五靈脂

夜明沙

川芎

蘆薈各錢

龍膽草

防風

蟬退去足各壹錢半

全蝎貳枚焙

麝香少許

乾蟾頭叁錢

右為末豬膽汁浸糕丸麻子大每服十九薄荷湯下

生熟地黃湯 治疳眼閉合不開內有朦霧

生地黃

熟地黃各半兩

川芎

赤茯苓

枳殼炒

杏仁水浸去皮

川黃連

半夏麩

天麻

地骨皮

甘草炙

當歸各錢半

右劉散每服二錢生薑三片黑豆十五粒水煎溫

服

者歸湯

治小兒稟賦素弱豆齋出不快者及肝虛

目視不明

黃耆壹兩蜜水塗炙

當歸酒洗焙乾

白芍藥

川芎各半兩

甘草炙

右件咬咀每服二錢水一盞煎七分無時溫服

張漢熊膽天麻丹

治風疖羸瘦搖頭揉目百脉拘急

天麻

羌活

真熊膽

蟬殼

使君子去殼

胡黃連各壹兩

蘆薈

乾蟾酥炙黃各半兩

右件搗羅為細末粳米飯和如黍米大每服拾粒

煎荊芥湯下量兒大小加減

烏蟾丹

烏蛇酒浸去皮乾蟾酥炙

蛇蛻皮燒灰各壹兩

胡黃連牛兩已上搗羅為細末次用

真蘆薈

百病丹

百病丹

百病丹

麝香

熊膽各貳錢半

右件同拌勻以粟米餅和如黍米大每服拾粒煎薄荷湯下乳前

莊氏家傳治小兒風疳順肝氣進飲食盧薈丸

盧薈

壹錢別研秤或只以皂角水磨

草龍膽

壹兩淨洗剉焙

乾秤

右件藥一處搗羅為末用不蚰皂角三錠以水二升按汁用生絹濾去滓入銀器內慢火熬成膏入前二味藥調和得所丸如棗豆大每服三丸至五丸薄荷湯吞下

漢東王先生家寶治小兒風疳氣攻項下生核子皂

角膏方

皂角

大者壹莖燒存性

糯米

壹合炒黑色

草烏頭

貳錢生

黃皮

壹錢炒黑色

右為末每用不拘多少以非華水調貼如未安須用水精丹取後用調氣觀音人參散等藥補仍再貼兼與疳藥相間服

神妙觀音散 補虛調胃氣進乳食止吐瀉久不進

食

白扁豆

微炒

石蓮肉

炒去心

人參

焙各壹分

丹

丹

六

茯苓

壹錢

甘草

香白芷

綿黃耆

水拌炙

木香

炒各壹錢

神麩

貳錢

右為末每服嬰孩一字二三歲半錢四五歲一錢
用水一藥注或半銀盞棗子半片煎十數沸服

人參散

補虛調胃氣進乳食止吐瀉

人參

茯苓

蓮肉

去心炒各壹分

黃耆

半兩搗蜜水拌炙

甘草

貳錢

右為末每服嬰孩一字二三歲半錢四五歲一錢
以水一藥注或半銀盞入棗子半片煎十數沸服

莊氏第六候頭生瘡毛髮稀焦是肝疳方

肉豆蔻

蟾灰

全者各壹錢

桔梗

炮

茯苓

大黃

壹兩

龍腦

麝香

各壹錢

服 右為末軟飯丸 麻子大粟米飲下三丸只可兩

治小兒手足動眼目不開有時語笑或即噴怒兼多
驚手指甲青狀形似死妄稱天釣通神丸

茯苓

龍齒

各壹兩

鈎丹

胡黃連

各壹分

銀箔片

麝香

壹錢

釣藤壹兩

右為末鍊蜜丸麻子大每十九米飲下莊氏第一十二候用

第三風疝小兒手足拘攣眼目不開有時白笑或噴

怒驚叫手爪甲青狀似鬼形已似天瘡須服金箔

茯苓散

金箔伍片

茯苓

牛膝

胡黃連各壹兩

龍骨壹分

木香

麝香各壹錢

右件為末每服一字米飲下日二服忌油膩

楊氏云由乳食不調心臟受熱所致也蓋其血

氣未定乳哺有傷易生壅滯內有滯熱未得疏通故

心神驚鬱而作驚疝之候外證身體壯熱臉赤唇紅

口舌生瘡胸膈煩悶小便赤澀五心皆熱盜汗發渴

齧齒虛驚是也 錢氏安神丸主之 薛氏用安神

丸以治心異功散以補脾 楊氏以茯苓丸錢氏安

神丸主之 曾氏寧心用茯苓湯

朱砂安神丸 治心疝怔忡心中痞悶

朱砂肆錢

黃連

生地黃各半兩

生甘草貳錢

蘭香葉貳錢

銅青

土之字一本
作上

輕粉各伍分

右為末乾敷土

茯苓丸 治心疝驚疰

茯神

盧薈

琥珀

黃連淨

赤茯苓各叁錢

釣藤皮

遠志肉薑製焙乾

蝦蟇灰各貳錢

石菖蒲壹錢

麝香少許

右為末粟米糊丸麻子大每服十九薄荷湯下

茯神湯 治心氣不足虛而驚悸日常煩哭及嬰孩

生下羸瘦多驚宜子母同服自然有效

茯神去皮木根壹兩

人參去蘆

當歸去蘆尾酒洗各半兩

甘草炙貳錢

右件咬咀每服二錢水一盞煎七分無時溫服有

微熱煩躁入麥門冬去心同煎

張渙參黃丹 治驚疰挾熱夜臥驚悸

乾蝎貳拾壹箇微炒

天漿子壹拾肆箇乾者微炒

人參

胡黃連各壹兩

天竺黃半兩研已上為

細末

青黛

朱砂各壹分

龍腦壹錢並細研

右件一處拌勻煉蜜和如黍米大每服十粒人參

湯下量兒大小加減

天竺黃丹

天竺黃壹兩 細研 晚蠶蛾微炒 白僵蠶微炒

川黃連各半兩 已上搗羅為細末 次用 朱砂

麝香各壹分 並細研

右件拌勻粳米餅和如黍米大每服七粒至十粒

煎人參湯下量兒大小加減

仙人水鑑治小兒驚疳朱砂丸 五歲至十五歲並

宜服之

朱砂叁錢 研 青黛壹兩 研 黃連

鬱金為末 夜明砂用炒焦黑 各半兩

麝香 熊膽用冷水和一宿 各壹錢

右同研如粉次入浸熊膽水和為丸如棗豆大空

心臨卧金銀薄荷湯下三丸至五丸切忌生冷油

膩神效

萬全方真珠散 治小兒心疳體熱黃瘦

真珠末 麥門冬去心 各半兩 天竺黃

金銀箔各伍拾片 臨和 牛黃

麝香各細研 胡黃連 甘草炙

羶羊角屑 川大黃炒 當歸微炒

朱砂

雄黃

茯神

犀角屑各壹分

右搗羅為散每服以茵陳湯調半錢量兒大小服

朱氏治小兒肚大項小即是驚疳方

釣藤

甘草各貳分

人參

蘇蘇各壹分

右件為末以水一茶椀入藥二錢煎取六合去滓

重煎溫服

治五疳八痢心藏熱方

蘆薈半兩

輕粉

青黛

香墨

飛羅麩各壹錢

史君子壹箇

蝸牛伍箇和肉細研麝香半錢

右為末研細滴水為丸芥子大生地黃汁化下一

丸至二丸薄荷湯亦得莊氏第九方

麝香丸 治小兒一切驚疳等病

草龍膽

胡黃連各半兩

木香

蟬蛻去頭足洗淨各壹錢

龍腦

麝香

牛黃各壹錢並各細研

右豬膽為丸如桐子及菜豆大驚疳或秘或瀉清

米飲送下小兒五七粒至一二十粒眼疳豬肝湯
下疳渴痔瘡湯下豬肉湯下亦得驚風發搐眼上
竅薄荷湯下一丸更水研一丸滴鼻中牙疳瘡口
瘡研貼蟲痛苦棟根湯或白蕪荑湯送下百日内
小兒大小便不通水研封臍中有蟲候乾漆麝香
各少許并入生油壹兩點溫水化下一大丸慢驚
勿服

睡驚丸 治小兒一切驚疳食積風癩之證

史君子伍拾箇燒 香墨棗大壹塊 金銀箔各壹片

麝粉貳錢

右先將史君子存性同墨研細次入金銀箔乳鉢
內研次入麝粉并麝香少許研令極細稀糊丸如
桐子大陰乾每服一丸薄荷湯磨下一歲已下半
丸一名青金丹極効

治小兒因喫着患熱病妳次腹痛并及驚風毒妳便
乃下痢吐逆又名妳疳

桃仁去皮尖炒 胡黃連各半兩 沉香

朱砂別研各壹分 金箔伍片

右爲末軟飯先麻子大米飲下五丸妳泔下亦得

莊氏第十方
候用此方

治小兒胃疳及進食方

胡黃連

蘆薈各壹分

肉豆蔻壹箇

檳榔

乾蟾炙各半箇

夜明砂半分

朱砂

麝香各半錢

右為末煉蜜丸紫豆大一歲一丸米飲反乳汁下亦得如是疳盛次加二丸至三丸取下蟲屎為驗

五日一服

治小兒心藏積熱生疳桃花丸

寒水石

壹兩用灰火燒熟研如麩細

朱砂半錢細研

色花

右為末水浸蒸餅丸如粟米大冷水下三五丸服

旬日自然安妙

莊氏第二十四候用此方

疳疔楊氏云由乳食不節脾胃受傷所致也或乳母

恣食生冷肥膩或乳兒過傷或飯後與乳致吐或乳

多眠久則變為乳癰腹脇結塊亦為疔疳外證面黃

身熱肚大脚弱吐逆中滿乏力叫啼水穀不消泄下

酸臭合向困睡減食喫泥是也 錢氏益黃散主之

楊氏以靈脂丸同益黃散主之 薛氏用四味肥

兒丸以治疳五味異功散以生 曾氏調脾用參

苓白朮散食不乳

疳疔

三三

益黃散

見

四味肥兒丸

治嘔吐不食腹脹成疳或作瀉不止

或食積脾疳目生雲翳口舌生瘡牙齦腐爛發熱瘦快遍身生瘡又治小便澄白腹大青筋一切疳

證

黃連炒

燕蕒

神麩

麥芽炒各等分

右為末水糊丸桐子大每服一二十丸空心白滾

湯送下

靈脂丸 治脾疳食疳

白豆蔻仁

麥蘖炒

五靈脂

縮砂仁

蓬朮煨

青皮去穰

橘紅

史君子焙

蝦蟇炙焦各錢

右為末米糊丸麻子大每服十九米湯下

神効換肌丸

治脾疳肌瘦潮熱盜汗泄瀉糟粕頭

大腹急

川黃連炒

鼈甲酒炙

肉豆蔻煨

使君子麩裏煨

神麩炒

麥芽炒各半兩

訶子肉貳錢

麝香伍分

右為末糊丸芥子大米湯下

手解

刀

二

張煥木香煎

治食疰不知饑飽積滯內停腹大脚

細下痢無度

南木香剉

肉豆蔻去殼各壹兩

乾蟾酥炙

胡黃連

使君子去殼

五靈脂各壹兩已上搗

羅爲細末次用

巴豆紙裹出油細研

麝香壹分細研

右件同拌勻滴水於石臼中搗一二百下和如黍米大每服二粒至三粒溫生薑湯下乳食後看兒

大小加減

檳榔丹 能食不生肌肉宜常服

檳榔麩裏炮裂木香

胡黃連各壹

代赭石壹分研已上各搗

香墨煨存性

麝香壹分細研

右件通拌勻糯米餅和如黍米大每服十粒煎橘

皮湯下食後量兒大小加減

肉豆蔻丹 肌瘦挾積常服尤佳

肉豆蔻去殼使君子去殼

青橘皮炒黃各壹兩

牽牛子炒黃壹分已上搗

蘆薈壹分研

麝香壹錢研

右件一處拌勻用糯米餅和如黍米大每服十粒

生薑湯下食後量兒大小加減

聖惠木香丸 治小兒食疳腹中多痛大腸或刺鼻

癢乾瘦時有體熱

木香

胡黃連

蟾頭各一分

麝香

蘆薈

青黛

雄黃各細研

香墨

熊膽各一分

使君子半斤

右件藥搗羅為末鍊蜜和丸如棗豆大每服以粥

飲下五丸量兒大小以意加減

訶梨勒丸 治小兒食疳水穀不消心腹脹滿好喫

泥土肌體瘦弱

訶梨勒皮三分 肉豆蔻壹枚

青黛

麝香

蘆薈

朱砂各細研

熊膽研入各壹分

右件藥搗羅為末都研令勻用酒煮粳米飯和丸如黍粒大每服以粥飲下三丸且二服量兒大小

增減服之

桃花散 治小兒食疳腹脹

桃花壹分

乾蟾塗去酥炙

肉豆蔻去殼

青黛細研

赤芍藥

紫筭茶各半兩

右件藥搗細羅為散每服以溫粥飲調下半錢看
兒大小臨時加減

孔氏家傳治小兒脾疳方

胡黃連

史君子

五味子

檳榔各壹錢

南木香半錢

右為末粟飯丸如菜豆大飯內與五七丸日三服

大胡黃連九錢治一切驚疳腹脹蟲動好喫泥土生

米不思飲食多睡吐涎藏府或瀉或秘肌膚黃瘦

毛焦髮黃飲水五心煩熱能殺蟲進飲食兼治瘡

癰常服不瀉痢吐瀉如切

胡黃連

黃連

苦棟子各壹兩

白蕪荑去翳半兩

乾蟾頭燒存性

麝香另研壹錢

青黛另研壹錢半

蘆薈另研壹分

右先將前四味為細末豬膽汁和為劑每壹丸如

胡桃大入巴豆仁壹枚置其中用油單紙一重裹

之同米一升許蒸米熟為度入後四味為丸少入

麩糊丸如麻子大與十九或十五丸清米飲下食

後臨卧日三服

大蕪荑湯又名梔子茯苓湯治黃疸土色為濕熱

小便不利今反利者知黃色髮黃脫落知膀胱腎

自脾疳

刀斗

二五

乃濕熱鼻下斷作瘡者土逆行營能乳者胃中有
之證喜食土者不足面色黑者為寒大便青屬褐色血
黑色熱蓄間黃色腸胃治法當滋營潤燥內除寒
熱外致津液

山梔

黃連

麻黃

羌活

柴胡

茯苓各參

黃蘗

甘草炙各

大蕪荑

白朮各伍

防風各

當歸各

右件判如麻豆大作一服水一盞半煎至一盞去
渣稍熱服食前

治小兒脾疳面黃多睡手足浮腫方

桑白皮焙

漢防已

人參

茯苓

胡黃連

麝香各壹

右為末煉蜜丸如麻子大用米飲下五丸一日二

服莊氏第十

莊氏第二候脚細肚高胸前骨生愛喫泥土酸鹹日

久通身黃時時吐逆下痢腹內疼痛是脾疳宜服

虎睛壹對

牛黃

朱砂

麝香各壹

桔梗半兩

右為末鍊蜜丸生薑湯下三丸至五丸

脾疳

刀斗

二天

治小兒脾疳瀉血肚大氣喘方

丁香

白朮

龍腦

乾蝎

胡黃連

夜明砂炒各壹分

右為末軟飯丸米粒大蕪荑湯下

治小兒通身黃瘦大小便結澀脾所召也

漢防已炒

甘草炙各壹兩

桑白皮

木通

木香各半兩

檳榔壹箇

胡黃連壹分

右為末每服一錢水七分盞生薑少許煎至五六

分壯氏第十五分溫二服候用此方

治小兒疳氣進飲食黃耆散

黃耆

五味子

厚朴薑汁炙

白朮

蒼朮

芍藥

甘草炙

陳橘皮

乾薑

乾蝎

當歸各壹兩

木瓜貳兩

右為末每服半錢米飲調下

丹小兒喫泥

石膏

黃芩

陳皮

茯苓

甘草

白朮

右為散煎服

十脾疳

四斗八

二九

經治小兒喫泥及膿肚

臍粉壹分用沙糖搜丸如麻子大空心米飲下一

丸瀉出土瘡膿如掌切脹也

莊氏第十九候愛餐生米麩炭輒丸是脾胃疳蘆薈

丸治小兒驚風五疳

蘆薈

胡黃連

牛黃

天竺黃

草龍膽

茯苓各半兩

龍腦

麝香

人參

川大黃

雄黃各壹分

生犀屑貳分

右為末鍊蜜丸菘豆大每服三丸薄荷湯下溫酒

亦得化下亦無妨

小兒脾疳常喫泥土日久遍身通黃醫人不識或呼

為陰黃宜服虎睛丸

虎睛壹箇

牛黃貳錢

桔梗

麝香

胡黃連各壹錢

右件為末煉蜜為丸麻子大每服三丸食前米飲

下日二服

肺疳楊氏云由乳食不調壅熱傷肺所致也肺主乎

氣鼻乃肺所通其氣不和則風濕乘虛客於皮毛入

於血脉故鼻下兩傍赤癢瘡濕名為鼻疳其瘡不痛

汗所流處隨即生瘡亦名汗蠱外證咳嗽喘逆壯熱
惡寒皮膚粟生鼻瘡流涕咽喉不利頰爛吐紅氣脹
毛焦泄痢頰併是也 錢氏主補脾生肺以益黃散
主之 楊氏以清肺飲化蠱丸 錢氏阿膠散主之
薛氏用清肺飲以治肺益氣湯以生金 曾氏用補
肺散

地黃清肺飲 治肺熱疳蠱咳嗽氣逆多啼壯熱惡
寒

桑白皮

炒半兩

紫蘇

北前胡

防風

赤茯苓

黃芩

當歸

天門冬

去心

連翹

桔梗

生地黃

甘草

炙各錢半

右劉散每服二錢井水煎食後服次用化蠱丸

化蠱丸

蕪荑

蘆薈

青黛

川芎

白芷稍

胡黃連

川黃連

蝦蟇灰

各等分

右為末豬膽汁浸糕糊丸麻子大每服二十九食
後臨卧杏仁煎湯下其鼻常用熊膽泡湯小筆蘸
洗俟前藥各進數服却用青黛當歸赤小豆瓜蒂

化蠱丸

化蠱丸

化蠱丸

地榆黃連蘆薈等分雄黃少許細末入鼻欬瘡

補肺散 治久患咳嗽肺虛氣促有痰惡心

阿膠 壹兩半 剉炒 白茯苓 馬兜鈴 去老

糯米 各半 杏仁 貳拾壹粒湯 泡去皮尖

甘草 肆錢

右剉每服二錢水一盞煎七分無時溫服

張渙麝香丹 治小兒肺疳皮毛枯燥欬嗽上氣

胡黃連 壹兩 半夏 半兩湯洗七遍 紫蘇子 微炒

五味子 各壹分 乾蟾 壹枚塗酥炙微黃已上搗羅為細末次用

麝香 細研 蘆薈 細研 朱砂 壹分

右件一處拌勻以棗肉和如黍米大每服五粒至

七粒米飲下量兒大小加減

靈砂丹 因嗽成疳最宜服之

人參 半兩 去蘆 甜葶 細研 五靈脂

胡黃連 各壹分已上搗羅為細末次用 辰砂 半兩 細研

麝香 細研 蘆薈 細研 杏仁 炙炒去皮尖各壹分

右件一處拌勻以粳米餅和如黍米大每服十粒

煎人參湯下量兒大小加減

五靈脂丹 久嗽恐成疳常服尤佳

五靈脂 半兩 蟾頭 壹枚塗酥炙微黃 蟬殼 微炒

疳積

款冬花

各半兩已上搗羅為細末次用

青黛

細研

雄黃

細研各壹分

右件藥一處拌勻糯米餅和如黍米大每服十粒

煎人參湯下不拘時候量兒大小加減

萬全方治小兒肺疳不欲乳食時復腹痛胡黃連丸

胡黃連

當歸焙微炒

訶梨勒皮

木香

各半兩

青橘皮

湯浸去白穰焙

杏仁

湯浸去皮尖燹炒微黃各壹分

麝香

研入

右件搗羅為末用粟米飯和丸粟豆大每服三丸

以粥飲下量兒大小加減

張國材肺疳方

真珠

朱拾粒

辰砂

半錢

人參

甘草

各貳錢

麝香

半字

輕粉

伍錢

白附子

壹箇

右件先將人參甘草剉碎炒熟白附子炮碾末次

研入真珠辰砂麝香輕粉勻畢每服半錢或一字

用金銀薄荷煎湯調服日進一服食後只三服其

肺疳立愈

莊氏第三候鼻下赤爛愛揉眼兼血痢是肺疳乃因

喫着乘熱物或病疔所損心肺加之咳嗽更以服

疳積

刀斗八

三三

涼冷藥過多便上熱下冷漸漸昏沉日夜煩哭

龍腦

朱砂各壹分

釣藤

玄參各壹兩

胡黃連炮半兩

麝香壹錢

右為朱鍊蜜丸如黃米大米飲下三九至五九

治小兒頭項細心腹脹滿皮膚乾皺毛髮焦黃鼻下

赤爛口舌生瘡瀉痢不止日漸羸瘦

大蟾壹箇去四肢足劈開腹去肚腸入胡黃連壹

濟四面令乾微火出陰氣更用炭三斤燒令通赤即焦候冷淨去泥土細研如粉

麝香

熊膽

蘆薈各半兩

右一處細研如泥麪糊丸如麻子大米飲下三九

乳汁亦得三歲以上加丸

理小兒五疳八痢腹脹羸瘦頭髮焦乾口鼻生瘡

黃連

白蕪荑與黃連同炒焦

夜明砂用水淘五次焙各壹兩

右為朱豮豬膽汁和丸如菉豆大二九至五九不

計時候麥門冬熟水下如久患疳氣服藥無効或

腹脹氣促不能飲食米飲下取出疳蟲即差第

候用此方

醫楊氏云由乳哺不調臟腑伏熱所致也凡甘味

入於脾而動蟲蟲動則侵蝕臟腑遂使孩提心下擾

音醫疳

乃集八

三二

悶若上蝕齒斷則口落出血齒色紫黑下蝕腸胃則
下痢肛爛濕癢生瘡療治不蚤精髓消耗難以有瘳
蟲者蠱也目為濕蠱多因疝傷久痢腸胃受濕得之
狀如狐惑傷寒齒蝕之證或以走馬命名蓋齒屬腎
腎主虛纔受熱邪疝氣直奔上焦故以走馬為喻初
作口氣名曰臭息次第齒黑名曰崩砂盛則斷爛名
曰潰槽熱血迸出名曰宣露甚者齒皆脫落名曰腐
根其根既腐縱得全活齒不復生外證腦熱肌削手
足如冰寒熱時來滑泄肚痛口臭乾渴齒斷生瘡小
黑面黧身多瘡亦是也 錢氏地黃丸主之 仍當

於生脈散中多加黃耆以補肺 曾氏用調元散
調元散 主稟受元氣不足顛顛開解肌肉消瘦腹
大如腫致語遲行遲手足如分同神色昏慢齒生
遲服之効

乾山藥 去黑皮 伍錢 人參 去蘆 白茯苓 去皮

茯神 去皮 根 白朮 白芍藥

熟地黃 酒洗 當歸 酒洗 黃耆 蜜水炙各 貳錢半

川芎 甘草 炙各 貳錢 石膏

右碎每服二錢水一盞薑二片棗一枚煎七分無
時溫服如嬰孩幼嫩與乳母同服

九味地黃丸 治腎病

熟地黃 肆分 赤茯苓

山茱萸肉

川棟子 當歸

川芎

牡丹皮 山藥

史君子肉 錢

右為末蜜丸桐子大每服八十九空心溫酒下

張渙熊膽散 治急疔蟲傷臟腑上蝕口齒生瘡赤

爛世呼為走馬疔

葇宥子 炒令微黑 蝦蟇灰

白礬 各半

生硫黃 壹分已上搗羅為細末次用

熊膽 半兩

麝香 雄黃

盧薈 各壹分

右件藥一處拌勻為細末每服一字煎荊芥湯調

下如有瘡處宜薄傅之如鼻癢即取少許逐日吹

鼻中日三兩上

熊膽膏 截急疔病

真熊膽 半兩 蚺蛇膽 為末

蘆薈 研

牛黃 研各壹分 龍腦

麝香 各壹錢

右件藥都細研以井華水一小盞攪和勻以磁器

盛重湯慢火熬成膏每服一豆大薄荷湯化下兼

塗患處

立聖膏 治急疔侵蝕

人乳汁

半合

黃礬

壹粟大

白礬

壹粟大

石膽

壹豆大

右件藥都研細以綿裹內乳汁中浸經一宿看汁有味慢火熬成膏每用少許塗於口裏如鼻中有瘡滴入少許若有腫處先以三稜鍼刺破除去血然後即塗此藥

金散

治急疔毒盛

砒霜

壹分

麝香

半兩

右件藥先將砒霜去紙上炒過後入麝香同研令細每用一字以雞羽掠在瘡上日使三兩度隨時

展去藥無令噤津

治小兒

腎疔并疔氣偏墜寒熱方

沒藥

炮

甘草

各貳分

硫黃

木香

炮

胡黃連

各壹分

右為末用蒸棗肉丸如麻子大從蓉湯下三丸可

通治

五疔方

五疔保童丸

治小兒乳食不擇冷熱

好食肥膩恣食甘鹹臟腑不和生疔

青黛

苦楝根皮

夜明砂

五倍子

蘆薈

黃連

龍膽草

白蕪荑

乾蟾各壹分

麝香少許

蟬蛻去嘴爪壹分

豬膽大者伍箇拌諸藥焙

右件粟米煮糊為丸如麻子大一歲兒三丸不拘

時米飲下日三服忌豬肉

大蘆薈丸 治疰殺蟲和胃止瀉

胡黃連

黃連

白蕪荑去扇

蘆薈

木香

青皮

白雷丸

破開赤鶴蝮微炒各者不用

麝香貳錢另研

右為末粟米飯丸菜豆大每服一二丸米飲下

愚按前方肝脾疳積食積發熱且生雲翳或疳熱

頸項結核或耳内生瘡肌體消瘦發熱作渴飲食

少思肚腹膨脹或牙齦蝕落頰頰腐爛或陰囊玉

莖生瘡或胸脇小腹作痛並効內青皮以龍膽草

代之麝香不用尤効

蘆薈丸贈主五疳八痢虻蟲臟腑虛弱身體瘦悴頭

髮焦疎腹脹青筋小便白濁渴水無度洞泄不時

穀食難化遍身瘡疥神色乾燥此藥大能養胃壯

氣止痢除蟲長肌

南木香

丁香各貳錢半

訶子去核取肉

肉豆蔻各半兩

使君子肉

蘆薈各肆錢

音通治五疳

刀針八

三

棗子肉

壹兩薄切用瓦
盛慢火焙乾

右除使君子肉薄切於乳鉢內極細杵仍將前南
木香等四味濕麪裹煨至香熟取出地上候冷去
麪判焙同棗肉蘆薈為細末再入乳鉢同使君子
肉杵勻煉蜜丸作麻仁大每服三十丸至五十五
丸溫米湯送須是空心服之兒小米湯化服

萬應丸

治諸疳證胃口有熱飲食不進頭髮作穗

面色痿黃

五倍子

去內
蟲屑

胡黃連

青皮

去白

陳皮

去白

黃礬

神麪

麥芽

淨洗
焙乾

三稜

炮坐

莢木

炮剉

蕪荑

檳榔

龍膽草

川棟子肉

使君子

各壹
兩

右除檳榔不過火麥芽二味外餘十二味剉碎炒
令微焦色候冷同檳榔麥芽研為細末水煮熟麪
糊丸麻仁大每服三十丸至五十九或七十九溫
米清湯無時送下或空心兒小者丸粟穀大粒數
下法同前

博濟方至聖青金丹

治小兒一十五種風疾五般

疳氣變蒸寒熱便痢棗花糞脚細肚脹肚上青筋

通治五種

卷八

三七

頭髮稀疎多，喫泥土，搏眉毛，咬指甲，四肢羸瘦，疳
虻咬心，瀉痢頻，併饒驚多，嗽疳蝕口，鼻赤白瘡，疳
眼雀目，悉皆能治。

青黛 上細研，每分

雄黃 每分研細

龍腦 少許研局

朱砂 壹分研良

膩粉 壹分良

胡黃連 貳分良

熊膽 壹分用溫水化

白附子 貳枚良方

蘆薈 壹分研良

麝香 半分

蟾酥 壹皂子大

鉛霜 少許良方

壹字

水銀 壹皂子大，局方壹錢

右件一十三味，細研，杵羅為末，後再都入乳鉢內。

細研令勻，用豬膽壹枚，取汁熬過，浸蒸餅少許，
為丸如黃米大，曝乾於瓷器內，收密封，或要旋取，
每服二丸，各依湯使，如後小兒患驚風，天吊，戴上
眼睛，手足搐搦，狀候多端，但取藥一丸，用溫水化
破滴入鼻中，令嚏噴三五遍，後眼睛自然放下，搗
搦亦定，更用薄荷湯下二丸，小兒久患五疳，四肢
瘦小，肚高，搏眉，喫土，咬指甲，髮稀疎，肚上青筋，粥
飲下二丸，小兒變蒸，寒熱，薄荷湯下二丸，化破服，
小兒久患瀉痢，米飲下二丸，小兒久患疳，虻咬心，
苦棟子煎湯下二丸，小兒患鼻下赤爛，口齒疳蟲。

府通治五疳

切詳八

四十一

井口瘡等用兒孩子妳汁研二丸塗在患處小兒
患疳眼雀目用白羊子肝壹枚以竹刀批開內藥
二丸在肝內以麻縷纏定用淘米泔水內煮令熟
空腹喫仍令乳母常忌毒魚大蒜雞鴨豬肉等此
藥若小兒常隔三兩日喫一服永無百病不染橫
天之疾凡有患但與服必有功效

靈苑紅丸子

治五疳肥孩兒

郁李仁

壹百粒用溫水浸去皮尖

坯子臙脂

壹分

麝香

半錢別研

右先研郁李仁細爛次入臙脂麝香同研用粳米

飯為丸如麻子大每服三丸至五丸一日三服用

薄荷湯下量兒大小臨時加減丸數

譚氏蝦蟇丸

治五疳羸瘦毛髮稀疎揉鼻咬甲好

食泥土腹大頸細痢如泔澁乳食不消小便白濁

綠礬

半斤為末 壹升半 去核

右先用醋五升并礬煮棗熟後入黃連肆兩訶子

去核貳兩史君子貳兩夜明砂貳兩乾蝦蟇肆箇

燒灰存性同搗碎入前藥內攪勻直到乾焦為度

再杵羅為末棗肉丸如黍米大三四歲每服三十

丸米飲下乳食前

張渙夜明丹 治五疳腹脹目澀多睡

夜明砂壹兩 微炒 胡黃連 草龍膽

苦楝根各半 兩 乾蝦蟇伍箇 燒存性 並為細末 後用

蘆薈 青黛 麝香各細研 壹分

右件一處拌勻粳米飯和丸如黍米大每服十粒米飲下不拘時候量兒大小加減

劉氏金蟾丸 治小兒五疳羸瘦合面卧地筋青腦熱吐瀉無度渾身壯熱口舌生瘡痢下膿血心腹脹滿喘促氣急乳食全少多啼嘔逆飲食不化或時增寒多涕欬嗽鼻下赤爛十指皆癢蝕於唇齒

生瘡出血肛門不收毛髮焦黃但是疳疾神效

乾蝦蟇伍箇 燒灰 胡黃連 宣連

鶴蝮 肉豆蔻 苦楝根白皮

雷丸 蘆薈 蕪荑

雄黃壹分 飛過

右為末麪糊為丸棗豆大雄黃為衣每服十五丸

飯飲下

張氏香蟾丸 治五疳殺蟲消肚膨止痛住瀉痢生

肌膚

乾蝦蟇酥炙 黃色 大黃連洗去毛 蕪荑仁

音 通治五疳

四

四

蘆薈

右件等分爲末，豬膽麩糊爲丸，如桐子大，每服四十粒，用飯飲吞下，不拘時，一日二服，至三服，忌生冷宿食毒物。

○ 莊氏五疳丸

熊膽

蕪荑

去皮各壹錢

麝香

壹字

胡黃連

別柞爲末壹分

大乾蟾

用上截去臍，判碎入在餅內，鹽泥固濟，以炭火

燒通赤，取出，停一夜，取藥研爲細末，秤壹分。

右件先將蕪荑研極細，次入麝香，次入胡黃連，蟾研末，令勻，傾出，却研熊膽，以沸湯鎔化，再入前四

味，更研令勻，糊爲丸，如菉豆大，每服三四歲十丸

四五歲十五丸，米飲下，食前服。

○ 王氏保童丸

治五疳，消化宿滯，進食長肌，肥孩兒。

胡黃連

草龍膽各半，煎

史君子

木香

蘆薈

細研各壹錢

大麥蘖

半兩，巴豆叁末，箇去皮，心同麥蘖炒

川苦棟

壹分，炒

右爲細末，同研令細，用醋糊爲丸，如菉豆大，每服十粒，至十五粒，米飲下，不計時候，此藥大治小兒

疳腹脹

吳氏黃耆飲子 治小兒五疳或傷脾胃腹脹髮黃時

時壯熱頭上虛汗日漸黃瘦或泄瀉

綿黃耆壹兩 人參 陳皮微炒不

白茯苓 白檳榔極大 甘草炙各半兩

肉豆蔻壹箇小者

右為麤末每服三錢水一大盞慢火煎至七分濾

去滓時時與服溫與

趙氏家傳治小兒五疳退黃榮肌膚解積熱壓驚消

飲進食

史君子貳拾壹箇 胡黃連半兩 五靈脂

蟾頭炙令焦各壹分 麝香半錢 蘆薈

熊膽各研貳錢

右為末燒粟米飯為丸菜豆大每服二十九米飲

下

治小兒五疳面色黃瘦身體壯熱喫乳食不能消化

眼目澀痛及胸膈痰涎愛食酸鹹常多瀉痢

胡黃連 母丁香 黃連微炒去毛

蘆薈 熊膽研各半兩 麝香壹分細研

蟾頭壹枚塗酥炙焦黃

右為末用牛膽和丸菜豆大如患心藏疳煎蕪荑

通治五疳

切斗

四

甘草湯下三丸食疳瀉血或赤白痢新汲水下三
丸吐逆不止及水瀉生薑湯下眼疳羊子肝血與
酒和看多少微煎下三丸莊氏第四
候用此方

脂連丸 治五疳潮熱腹脹髮焦

胡黃連 半兩 五靈脂 壹兩

右爲末豬膽汁丸麻子大米飲下

冷熱疳疳之新者爲熱疳面黃臉赤骨熱盜汗鼻乾
口臭唇焦煩渴心躁驚悸情意不樂若疳之久者爲
冷疳目腫腹脹便利不定瀉糞肥膩或似油珠煩渴
黃瘦熱疳病多在外冷疳病多在內又有冷熱二證

交互非新非久不內外因者

治冷疳木香丸

木香

青黛 另研

檳榔

肉豆蔻 去皮各壹分 麝香 另研壹錢半

續隨子 壹兩半炒

蝦蟇 參箇先用細線繫干曬乾燒存性

右末蜜丸如菉豆大每服三五丸至二十九薄

荷湯下食前

湯氏云小兒冷疳多渴好卧冷地煩躁啼叫飲食
不進漸成羸瘦其候難明有若熱證但大便滑泄
百藥不效是也因女子百藥俱試而無偶中者竟

與錢氏木香丸不數服而愈自後凡有此證無不獲驗

治熱疖胡黃連丸

胡黃連

黃連各半

硃砂壹分

右上一二物為細末研入朱砂末都填入豬膽內用淡漿於砂銚子內懸煎煮一飯時久取出研入盧會麝香各壹分飯丸如麻子大每服五七丸至一二十丸米飲下食後一方加蝦蟇半兩不燒

治冷熱疖如聖丸方見

無辜魚巢氏兒面黃髮直時壯熱飲食不生肌膚積

經日月遂致死者謂之無辜言天上有鳥名無辜書伏夜遊洗濯小兒夜席露之經宿此鳥即飛從上過而取此衣與小兒着并席與小兒卧便令兒生此病聖惠小兒無辜腦後有核如彈丸捏之及下轉是也凡小兒有此物如禽獸舌下有禁蟲若不速去當損其命此核初生軟而不痛中有蟲如米粉得熱氣漸長大則筋結定定即蟲隨血氣流散所有停留子母相生侵蝕藏府肌肉作瘡或大便泄膿血致使小兒漸漸黃瘦頭大髮立手足細弱從茲夭折也夫小兒無辜疖疔者大腹泄痢膿血毛髮皮膚枯槁

無辜疖

疖疔

四六

肌體日漸瘦羸腸胃既虛痢無時節故名無辜疳痢也漢東王先生云小兒無辜疾者古云天上有一鳥名無辜因曬小兒衣物失取過夜遇此鳥過尿之令兒啼叫諸病所生日漸黃瘦者非也此蓋是八邪所傷得之其八邪者饑飽勞役風驚暑積謂之八邪久則令次日漸黃瘦喫食不長肌肉夜間多哭身上或發微微壯熱多渴喫食不知饑飽或生瘡癬是也朱氏八片錦歌孩子無辜氣多因作爲若人能慎護安得見疳羸驚薄成風疾喧寒作氣痿須交除病乳莫更着重衣喫食無令早能言不怕遲論中入

不許胸起力頻微頭皮光哲哲毛髮薄離離肝壅侵雙眼脾黃入四肢渾身生癩疹遍體是瘡癩瀉痢無休歇增寒少定時綉毬全不顧竹馬豈能騎白暈眸中現清涎口畔垂鬪牙須咬甲舉手要擣眉夜夜餐瓜果朝朝食土泥胃傷腸肚脹肺盛喘何疑飲食無休歇就眠似醉迷肥兒丸治小兒腦後項邊有物如彈子按之轉動軟而不痛名無辜疳久服神效

胡黃連

神麴炒

麥蘖各伍錢

檳榔叁錢

木香貳錢

肉豆蔻麩裹

百無辜痢

方寸八

四七

史君子肉各貳錢半

右為細末蒸餅丸如黍米大用米飲食遠服

聖惠鼈甲散 治小兒無辜疳項細肚大毛髮乾立

作穗

鼈甲參分塗醋炙黃去裙襴

檳榔參顆

沉香 漏蘆

牛蒡子微炒

史君子 赤芍藥

訶梨勒皮

甘草炙微赤剉各半兩

右件搗羅為散每服一錢以水一小盞煎至五分

去香不計時候量兒大小分減溫服

張漢蝸虎丹 截疳祛毒

乾蝸虎雄者微炙壹枚 蝸牛殼

蘭香根

煨花各壹分已上搗羅為細末欠八

雄黃水磨者細研

麝香細研各壹分 龍腦半分細研

石件通拌勻煎米醋打白麩糊和如黍米大每服

十粒煎脂麻湯下乳食後

香甲湯 截疳辟邪

漏蘆壹兩 沉香生

牛蒡子微炒

訶梨勒皮微炮 安息香

鼈甲塗酥炙黃去裙襴

乳香研各半兩

右件搗羅爲細末同乳香拌勻每服一錢水八分
入人參少許煎四分去滓放溫熱服量兒大小加
減

張渙無辜疳痢玉粉散 定痢截疳

胡粉 壹兩

白龍骨

水磨雄黃 各研

楮木根白皮

漏蘆

白馬夜眼 洗淨焙乾

各半

右件搗羅爲細末都拌勻每服一字至半錢以雞
卵清調下乳食前

肝丹 治無辜疳痢不止

地膽草

菖蒲 一寸九節者

漏蘆 各壹兩

胡黃連

地榆 各半兩已上搗羅爲細末次用

雞肝 薄切

豬肝 同入鹽少許用諸藥煮肝熟各壹兩

右件同於石臼中搗一二百下成膏和丸如黍米

大每服十粒麝香湯下食前量兒大小加減

梅肉散 治無辜疳渴利不止眼出障翳身體浮腫

烏梅肉 炒乾

綿黃耆

乾葛 各壹兩

川黃連

菰蘆根

乾薑 炮

甘草 炙各半兩

右件搗羅爲細末每服一錢水一盞煎至六分去

干無辜疳

刀斗

四十九

萍放温時時與服

藍葉湯 治無辜疳血痢不斷

藍葉 壹兩

地龍

人參 去蘆頭

烏梅肉

冬瓜仁

黃連

赤茯苓

蝸牛殼 微炒各半兩

右件搗羅為細末每服一錢水一小盞煎至六分

去滓温服乳食前

天靈丹 治無辜疳痢久不瘳

天靈蓋 壹箇

乾蟾 壹兩 燒灰

胡黃連

萹荇子 水淘去滓者炒

令黑色各半兩

硫霜 壹分 同天靈蓋濕紙

三五重裹膠泥固濟於大炭火上燒令通赤取出候冷已上都搗羅為細末次入麝香

麝香 壹分

右件都拌勻軟飯和丸如黍米大每服五粒乳汁

下量兒大小加減服之

温藏湯 治小兒無辜疳痢久不止手足逆冷

肉豆蔻 去殼

乾薑 炮各壹兩

龍骨

當歸

厚朴 去麤皮塗生薑汁炙令香熟各半兩

附子 壹枚重半兩炮去皮臍

茅香 半分

右件搗羅為細末每服一錢水八分一盞入生薑

三片煎至五分去滓温服乳食前

朴附丹 治無辜疳痢赤白相雜

厚朴

塗生薑汁炙令香熟

訶梨勒皮

麩裏炮各壹兩

附子

壹枚炮去皮臍

龍骨

烏梅肉

赤石脂

各半兩

右件搗羅為細末鍊蜜和丸如黍米大每服十粒

米飲下乳食前

人中白散 治小兒無辜疳氣寒熱積滯不化腹肚

脹痛

人中白

壹分

麝香

半分

蝦蟇

塗麻炙焦

蠶會

各半兩

下字一本作服

右件藥細研為散每日空心及晚後用熟水調下

半錢服後當下惡物量兒大小加減服之

朱砂丸 治小兒一切無辜疳黃瘦腹痛或痢有蟲

冷之與熱悉去之

朱砂

壹分細研一方用叁分

芎藭

漏蘆

各壹兩

雄黃

壹分細研一方用叁分

乾蟾

壹枚醋炙令黃

麝香

壹兩細研一方用壹分萬全方亦用壹分

右件藥搗羅為末都研令勻用粟米飯和丸如麻

子大每服以粥飲化下二丸空心午後各一服隨

兒大小以意加減

决明子丸 治小兒冷熱無辜疳或時驚熱或時夜啼大便青黃白汁頭熱身熱頭髮作穗四肢黃瘦不多食物

用馬蹄决明子貳兩搗羅爲末鍊蜜和丸如麻子大每於食後以熱水下三丸更量兒大小加減服之

漏蘆散 治小兒無辜疳肚脹或時瀉痢冷熱不調用漏蘆壹兩搗細羅爲散每以豬肝壹兩散子壹錢鹽少許斟酌以水煮熟空心頓服粥飲下

漏蘆丸 治小兒無辜疳羸弱不飲飲食及腹內

蟲動作多吐清水

漏蘆 貳兩

豬肝 燻乾

猪株根白皮 各

壹兩

右件藥搗羅爲末鍊蜜和搗一二百杵丸如彈子大每服以溫水研一丸不計時候量兒大小分減服之

聖惠又方用地膽子壹兩搗細羅爲末每服壹錢以豬肝壹兩入鹽少許煮熟無時量兒大小分減服之

治小兒無辜疳痢不止方

治無辜疳

刀斗八

五十二

右用沒石子貳枚炒令赤黑色搗細羅為散以麩半匙和作餅子燂熟却研為末不計時候以粥飲調下半錢量兒大小加減服之

外臺備急治小兒無辜疳痢方

當歸

龍骨

黃連

人參

沒石子

甘草炙各壹兩

右六味搗散蜜丸服三九日再以差為度大小增減量之

外臺救急療小兒瘦頭乾無辜兼痢方

右用馬齒莧搗絞汁服三合以差止

子母秘錄治小兒無辜痢赤白兼成疳方

右用胡粉熟蒸熬令色變以飲服之

傳驗治一歲至兩歲小兒無辜病方

右用夜明砂熬搗為散任意拌飯并喫食與喫三

歲號乾無辜

五疳出 聖惠五疳久而不差則腹內有蟲肌體

黃瘦下痢不止宜服藥出之則疳氣漸退其蟲狀如

絲髮或如馬尾多出於腹背及頭項上若蟲色黃白

及赤者可治青色者不可療也

顏頤經朱砂丸 治孩子疳痢辨蟲顏色定吉凶

朱砂半石

阿魏如朱砂大

蝙蝠血參兩

眉酥少許

右細和少許口脂調先桃柳枝煎湯浴兒後看兒大小以菘豆大填兒臍中後用紙可臍中貼之用青衣蓋兒看蟲出來黃色輕青黑色重

聖惠乾蟾丸 治小兒五疳及驚風出蟲定生死

乾蟾壹枚五月五日者良蛇蛻皮壹條火煨

穀精草貳兩花前藥同

入礮子內以鹽泥固濟曬乾燒令通赤放冷研細

胡黃連

瓜蒂

母丁香三味同為末牛黃

龍腦

朱砂白雄黃

蘆薈

天竺黃

麝香各壹分

青黛半兩

右件藥都入乳鉢內研令極細用獾豬膽汁煎麪糊和丸如菘豆大一二歲兒以溫米泔半合化下五丸服藥後以桃柳湯浴兒着青衣蓋疳蟲當出衣上及眉毛髮邊如細麩片子或如糝面塵毒黑色者難治黃白色易治仍宜粥飲下二九日三服甚者半月內差

麝香丸 治小兒五疳瘦弱毛髮乾焦口鼻多瘻有

蟲

麝香

蘆薈

粉霜

朱砂各壹分

蟾酥豆許

皂莢三寸燒灰

蛇蛻皮伍寸燒灰

蝙蝠叁箇取血拌入藥末

右件藥都細研以油鎔蠟和丸如小豆夫先以桃柳湯洗兒後用藥一丸塗於臍中上以醋麪封之良久即蟲出黃白赤者易治黑者難療

蘆薈丸

治小兒五疳四肢乾瘦腹脹氣蘆頻採鼻

眼宜服此出蟲

蘆薈

牛黃

蟬殼各壹分

膩粉

粉霜

硫黃

麝香各壹錢

田父壹枚燒煙似絲便住青黛半兩

巴豆拾粒去皮心膜油

蛇蛻皮壹條燒灰

右為極細末令勻以粳米飯丸如菜豆大每服以溫水下一丸良久煎桃柳水浴兒後以青衣蓋遍身當有蟲出白黃色者可治青黑者難治

出蟲丸 治小兒五疳久不差羸瘦極甚

朱砂

麝香

牛黃

蝸牛子炒

夜明砂炒

熊膽各壹分

蟾酥半錢

右件藥都細研以麪糊和丸如菜豆大每服以溫

并出蟲

刀針

五七

當之字一本
作得

水下三丸更別以水研一丸滴向鼻中得嚏五七

聲良久當有蟲隨汗出立効

乾蟾丸 治小兒五疳出蟲

乾蟾壹枚 燒灰

天靈蓋灰半

麝香半分

蟬殼去足 燒

鼈甲酥炙黃焦去 裙爛各壹分

右件藥為細末每用燒飯和丸如菜豆大二歲已

下以蛤粉湯下一丸三歲已上至五歲二丸服藥

後續以桃柳湯浴兒後用青衣蓋之當有蟲子出

赤白者輕黑者重

熊膽丸 治小兒五疳出蟲

熊膽

朱砂

麝香

蝮蛇膽

蠅娘炒

瓜蒂各半

右件藥為極細末入研了藥令勻用積緒膽汁和

丸如菜豆大先用桃柳湯浴兒了用粥飲下三丸

以青衣蓋當有蟲出也

定命散 治五疳有蟲

乾蝦蟇壹枚 燒灰

蛇蛻皮炒

蟬殼各壹分

右件為極細末入麝香末半錢研勻但是一切疳

至午時後以暖水調下半錢一二歲即服一字後

煎桃柳湯放溫浴兒了使用青衣蓋當有蟲出即

疳 五疳出蟲

切料八

五十六

効

青黛丸 治五疳體熱乾瘦髮立鼻癢有蟲不欲飲乳

青黛

蘆薈

人中白各半兩

豬牙皂角

蟬殼各三分

麝香壹分

胡黃連叁分

蟾涎

人乳汁各少許

右件爲末五月五日午時修合以粽子肉棗肉及蟾涎乳汁丸如黍米大以桃柳湯浴兒後以米飲下三九後着青衣裹兒看身上有蟲出青黑者不堪白黃赤者易差

錢乙胡黃連麝香丸

治疳氣羸瘦白蟲作

胡黃連

白蕪夷各壹兩半

麝香壹錢

黃連

木香各半兩

辰砂壹分

右末麪糊丸如菉豆大米飲下五七丸至三五歲可十五丸無時

錢乙榆仁丸

治疳熱瘦悴有蟲久服充肥

榆仁

黃連各壹兩

右爲末用豬膽七枚破取汁與藥同和入碗內甑上蒸九日每日一次候日數足入研麝香半錢湯浸蒸餅和丸菉豆大每服五七丸至二十九丸

先之字一本
作兒

飲下

小兒食乳飯早食肉太早或腸胃停蓄甜膩化
為蛔蟲繖眉多啼嘔吐清沫腹中作痛肚脹青筋唇
口紫黑搖頭齒癢是也 玉訣歌惡哭痰青蛔咬心
涎生積冷痛難任每餐甜物并時果致得蟲生病轉
深 先用史君子散蘆薈丸取蛔後溫脾胃
史君子散 治小兒疳蛔

史君子 拾箇瓦上
炒為末

甘草 膽汁浸
一夕

白蕪荑 各壹
分 苦棟子 伍箇炮
去核

右末之每服一錢水煎服

蘆薈丸 治小兒疳蛔

蘆薈

安息香

胡黃連

枳殼 壹錢
炒各

史君子 壹錢
炒

蕪荑 壹分

定粉 壹錢

麝香 少許

右末豬膽糊丸如菉豆大五七丸米飲吞下

張渙三根散 治蛔疳蟲動啼叫不止每至月初間

尤甚狀如神祟

貫衆根

棠梨根

醋石榴根 各壹
兩

栗刺

故綿

乾漆 各半
兩

右件藥六味並燒灰存性搗羅為細末每服一錢

音 蛔疳

切 科 八

五 代

用水八分煎四分去滓放温服不拘時候

除毒丹 此方治蛔疳不差傳染兄弟姊妹

鬼白壹兩 去毛 苦參剉 青箱子

草龍膽各半 兩 硫黃 緋絹

乾蝦蟇 白礬各壹分

右件藥並燒灰存性搗羅為細末煉蜜和如麻子

大每服十粒磨沉香湯下量兒大小加減

豬肚丹 治小兒疳瘦盜汗多倦少力大便有蟲會

經大効

川黃連揀淨 胡黃連 木香各壹兩

羌活 蘆薈 肉豆蔻

龍甲酥炙去 裙襴 白蕪荑各半 兩

右件搗羅為細末用豬豬肚一箇洗刮令淨先以

好香白芷貳兩內肚中蒸極熟去白芷不用却入

諸藥縫合再蒸如泥取出同豬肚搗二三百下成

膏丸如黍粟大每服十粒米飲下不拘時候量兒

大小加減

穀精丹 治諸病下蟲如絲髮或如馬尾甚者便至

天傷

穀精草叁兩入餅子內鹽泥固濟 用慢火煨通赤為度取出

官類和 切料

乾蟾參枚五月五日取者用酥炙黃

皂莢參寸燒灰

胡黃連

瓜蒂

母丁香各半兩已上搗

羅為細末次入

粉霜

蘆薈

麝香各壹分並細研

右件都拌勻用豬膽汁和如黍米大每服十粒米

泔放溫下量兒大小加減

桃柳湯 服諸藥後用此法助之

桃枝貳兩

柳枝貳兩

右件並剉碎以水兩大椀煎數沸通手浴兒甚佳

浴兒畢用一青衣服蓋之疳蟲自出為驗

小兒合地面無顏色啼聲乍高狀似心痛徃徃口乾

發動有時醫人不識妄呼見祟不知小兒曾喫生

肉肉化為蟲此方大效苦棟丸

苦棟根

鶴蝮

朱砂各壹兩

檳榔叁箇

麝香壹錢

右末麪糊丸如小豆大每服三丸白湯下日三服

忌毒物

下蟲丸 治疳蛔諸蟲

新白苦棟根皮酒浸

綠包貫衆

木香

桃仁浸去皮焙

蕪荑焙

雞心檳榔各貳錢 鶴蝮炒壹錢 輕粉伍分

乾蝦蟇叁錢 史君子伍拾取

右為末麩糊丸麻子大每服一二十丸天明清肉

汁下內加當歸川連各貳錢伍分

瘡癩 蟲食脊脊身熱羸黃積中生熱煩渴下利拍背

如鼓鳴脊骨如鋸齒或十指皆瘡頻齧爪甲是也

聖惠金蟾散 治小兒脊疔頭大項細四肢黃瘦壯

大胸高毛髮乾立

蟾壹枚大者 夜明砂微炒

檇根白皮 地榆 桃白皮 黃蘗各坐

訶梨勒煨用 百合 白蕪荑微炒

人參去蘆 川大黃剉碎 黃連去鬚各

胡粉叁錢 丁香叁分 檳榔壹分

右件藥搗細羅為散每服用粥飲調下半錢日三

服

地骨皮丸 治小兒脊疔漸漸黃瘦以手指擊之背

如鼓響脊骨高是也此因妳熱所致

地骨皮 紫參 黃耆剉

川大黃剉碎 郁李仁湯浸去皮尖

龍膽去蘆 子芩 枳殼麩炒微

木香

豬苓

去黑皮

海蛤

細研各壹分

右件藥搗羅為末，鍊蜜和丸，如菜豆大，每服以溫水研下，五九日，三服量兒大小，加減服之，常得微利為効。

殺疳丸

治小兒脊疳，日漸羸瘦，腹中有蟲。

沒石子

瓜蒂

鶴虱

並細研各半兩

蟾頭

炙令焦黃

蘆薈

青黛

並細研各半兩

麝香

細研

膩粉

研入各壹分

右件藥搗羅為末，以糯米飯和丸，如黍米大，每服以粥飲下，五九日，三服量兒大小，以意加減。

高肌體羸瘦

治小兒脊疳，腹內有蟲，上攻背脊，脊骨漸

蘆薈

青黛

朱砂

麝香

各細研

熊膽

研入

胡黃連

貫眾

地龍

數炒

黃連

去鬚

蟬殼

微炒去足

雷丸

各半兩

蝦蟇

壹枚塗酥炙令焦黃

右件藥搗羅為末，用蝸牛肉研和丸，如麻子大，每服以粥飲下，五九日，三服量兒大小，增減服之。青黛丸，治小兒脊疳，四肢瘦弱，腹脹壯熱，頭髮乾疎，時時煩渴，脊骨如鋸。

青黛

朱砂各細研

夜明砂微炒

定粉各壹分

蟾酥研入

熊膽細研

羶羊角屑

犀角屑各半分

黃連半兩去鬚

麝香壹錢細研

右件藥搗羅為末用軟飯和丸如菘豆大每一歲

以粥飲下二九

第五脊疔十指爪甲癢痛頭髮焦乾肚腹虛鳴脊骨

如鋸時時下痢狀如青淀或膿或血朱砂丸

天靈蓋炙壹箇

柴胡

白朮

麝香各壹錢

檳榔壹箇

右件棗肉為丸如麻子大每服三九米飲漿湯下

朱氏治小兒脊疔瀉血不止方

定粉

好棗拾箇

頭髮少許

右件為團塼襯火煨通赤細研米飲下半錢

莊氏治小兒久下血不止謂之歷脊疔方

用穿山甲米醋浸炙為末每服一錢米飲調下食

空服

胎中素挾風熱生下乳哺越常頭皮光急滿頭

餅瘡腦熱如火髮結如穗徧身多汗顯腫顙高是也

仙人水鑑小兒三歲已下多睡卧合向在地者便是

火之字一本作久

腦中疳氣宜服此方

黃葵花

菊花

釜下墨

消石

栢葉各等分

右為散吹入鼻中永不合固也吹鼻中有惡物似泥泄數條即便是腦中疳氣此是殺入之本

小兒腦疳乳母宜服此方

栢葉

松葉

黃葵花

鼓子花

鼈甲

虎骨

檳榔

大黃各等分

右並生為末與醋三升煎膏丸如棗豆大每日空

心飲下三丸效

藥性論治小兒腦疳方

右研蘆薈不以多少為細末每用少許吹鼻中殺

腦疳鼻中癢

聖惠牛黃丸 治小兒腦疳身熱髮枯

牛黃

蘆薈各細研

熊膽研入

胡黃連

木香

犀角屑各壹分

龍腦

麝香各細研

蟾酥研入各半分

青黛細研半兩

右件藥搗羅為末都研令勻以麪糊和丸如黃米

大每服以温水下五九日三服量兒大小以意加減

龍腦丸 治小兒腦疳羸瘦煩熱

龍腦

麝香

雄黃各壹錢

胡黃連末

牛黃

朱砂

熊膽

蘆薈

乾蝦蟇灰各壹分

右件藥都研令如粉以水化熊膽和丸如麻子大若硬更入糯米飯同丸每服用薄荷温湯下三九日三服量兒大小以意加減

吹鼻龍腦散 治小兒腦疳鼻塞頭痛眼目昏暗羞

明琥珀

龍腦

麝香各細研少許

蝸牛殼炒令黃

蝦蟇灰

瓜蒂

黃連去鬚

細辛各壹分

右件藥搗細羅為散入瓷合內貯之每取少許吹於鼻中每日兩上用之

治小兒合面卧地多睡或氣急面黃哭聲高叫或心

痛口乾蓋是因曾喫生肉如此腹內有蟲方

鶴蝨貳分

茯苓壹兩

木香壹分

苦棟根叁兩

檜株根半兩

治腦疳

治疳

六二五

右先將二味根用米一斗煎成膏然後將三味爲
朱搜和成丸黍粒大每服三五丸米飲下莊氏第
十三候

用此
方

第七腦疳鼻下赤爛身心煩躁鼻内生瘡頭髮自落
日夜痛無休歇狀似鬼形安息丸

安息香

丁香

胡黃連

麝香

雄黃

肉豆蔻

金銀箔各伍
片

右末煉蜜丸如麻子大每服三丸米湯下

龍膽丸 治腦疳腦熱瘡

